

太宗

竹居攷屢

全唐文
卷九之十

太官



竹居牧庵

全唐文
卷九
十

欽定全唐文卷九目錄

太宗六

勞鄧州刺史陳君賓詔

謹死刑詔


冊蘇亶女爲皇太子妃詔

冊荊州都督荆王元景詔

爲故禮部尚書虞世南齋僧詔

獎魏徵編注戴氏禮詔

答魏徵謝賜殿材起堂詔



金史卷之九
問魏徵病手詔

答魏徵上羣書理要手詔

重問魏徵病手詔

答魏徵辭太子太師詔

答房元齡請解僕射詔

又答房元齡詔

捨舊宅造興聖寺詔

賜竇誕還第詔

幸遼東賜褚亮詔

令諸州寺觀轉經行道詔

賜涼州都督李大亮詔

賜李大亮荀悅漢紀詔

答有司請討林邑詔

遺詔

令虞世南製杜如晦碑手勅

定樂勅

命魏王泰祭尚書虞世南手勅

佛遺教經施行勅

答元奘謝御製三藏序勅

斷賣佛像勅

答羣臣封禪表勅

手勅

冊楊恭道女爲婕妤文

冊崔宏道女爲才人文

冊蕭鏗女爲才人文

冊蕭鐸女爲美人文

冊晉王爲皇太子文

冊徐州都督徐王元禮文

冊越王泰改封魏王文

冊蘇亶長女爲皇太子妃文

冊韋挺長女爲齊王妃文

冊劉威德次女爲虢王妃文

冊齊國公無忌爲司空文

冊高士廉改封申國公文

冊李勣改封英國公文

冊程知節改封盧國公文

冊侯君集改封陳國公文

冊段志元改封褒國公文

冊突厥李思摩爲可汗文

陳讓禪位表

欽定全唐文卷九

太宗 六

勞鄧州刺史陳君賓詔

朕以隋末亂離毒被海內率土百姓零落殆盡州里蕭條
十不存一寤寐思之心焉若疫是以日昃忘食未明求衣
曉夜孜孜惟以安養爲慮每見水旱降災霜雹失所撫躬
責己自慚德薄恐貧乏之黎庶不免飢餒傾竭倉廩普加
賑恤其有一人絕食若朕奪之分命庶僚盡心營救去年
關內六州及蒲虞陝鼎等復遭亢旱禾稼不登糧儲旣少

遂令分房就食比聞刺史以下及百姓等並識朕懷逐糧
戶到遞相安養回還之日各有贏糧乃別齎布帛以申贈
遺如此用意嘉嘆良深一則知水旱無常彼此遞相拯贍
不慮凶年二則知禮讓興行輕財重義四海士庶皆爲兄
弟變澆薄之風敦仁慈之俗政化如此朕復何憂其安置
客口官人支配得所並令考司錄爲功最養戶百姓不悛
財帛已勅主者免今年調物宜知此意善相勸勉

謹死刑詔

比來有司斷獄多據律文雖情在可矜而不敢違法守文

定罪或恐有冤自今門下省視有據法當死而情在可矜者錄狀奏聞

冊蘇亶女爲皇太子妃詔

配德元良必俟邦媛作儷儲貳允歸冠族祕書丞蘇亶長女門襲軒冕家傳義方柔順表質幽閒成性訓彰圖史譽流邦國正位儲闈寔惟朝典可皇太子妃所司備禮冊命主者施行

冊荊州都督荆王元景詔

夫建官之道實資明德列爵之義必俟茂親故晉鄭佐周

功宣於寅亮間平輔漢業崇於藩屏惟爾業尚忠肅器懷
恭懿幼稟庭訓早膺朝寵仁恕聞於封畿廉平著於方策
荆衡作鎮江漢爲紀包括巴濮之域跨躡吳越之郊褰帷
永諧分珪僉屬是用備茲令典錫以休命奄有楚甸代爲
唐輔可不慎歟

爲故禮部尚書虞世南齋僧詔

故禮部尚書文懿公虞世南德行純備文爲辭宗夙夜盡
心志存忠益奄從物化忽移時序昨因夜夢倏覩斯人兼
進讜言有若平生之日追懷遺美良用悲悼宜資冥福申

朕思舊之情可即其家齋五百僧造佛像一軀

獎魏徵編注戴氏禮詔

禮經殘缺其來已久漢代戴聖爰記舊聞古今所宗條目
雜亂先儒傳授多厯年所咸事因循莫能釐正特進鄭國
公徵文高翰林學綜冊府服膺典禮有志討論乃依聖所
記更事編錄以類相從別爲篇第并更注解文義粲然遂
得先聖微言因茲重闡後之學者多有宏益宜付祕書

答魏徵謝賜殿材起堂詔

觀卿書不如尋常憂惋之情切朕懷意處卿至此堂爲宏

濟黎元經圖達化耳豈爲朕一人而已何事果來相謝

問魏徵病手詔

不見數日憂憤甚深自顧過已多矣言已失矣行已虧矣
古人云無鏡無以鑑鬚眉可謂實也比欲自往恐勞卿所
以使人來去若有聞知此後可以信來具報

答魏徵上羣書理要手詔

朕少尚威武不精學業先王之道茫若涉海覽所撰書博
而且要見所未見聞所未聞使朕致治稽古臨事不惑其
爲勞也不亦大哉

重問魏徵病手詔

近來疹病何似漸得可未卿患日久言面已賒理國立家
方知難耳比日自爲勞思委頓始驗任人則逸自任則勞
非虛言也此懷公想知之可以意得書何盡心略而言耳

答魏徵辭太子太師詔

漢之太子四皓爲助我之賴公即其義也知公疾病可臥
護之

答房元齡請解僕射詔

夫選賢之義無私爲本奉上之道當仁是列代所以宏

風通賢所以叶力卿忠肅恭懿明允篤誠草昧霸圖綢繆
帝道儀刑禮閣庶政惟和輔翼春宮望實斯在而忘彼大
體徇茲小節雖恭教諭之職乃辭機衡之務豈所謂弼余
一人共安四海者也宜聽此懷無煩固讓

又答房元齡詔

元齡德爲時秀位隆朝右業履恭儉志懷沖退頻表陳誠
固辭執法朕旻食思治虛己欽賢方資啟沃共康兆庶豈
得申其雅尚用虧彝典便可斷表卽令攝職

捨舊宅造興聖寺詔

丹陵啟聖華渚降祥叶德神居克隆鴻業朕丕承大寶奄
宅域中遠藉郊禋之慶仰惟樞電之祉思園之禮旣宏撫
鏡之情徒切而永懷慈訓欲報無從靜言因果思憑冥福
通義宮皇家舊宅制度宏敞以崇神祠敬增靈祐宜捨爲
尼寺仍以興聖爲名庶神道無方微伸凱風之思主者施
行

賜寶誕還第詔

朕聞爲官擇人者治爲人擇官者亂寶誕比來精神衰耗
異常時知不肖而任之覩尸祿而不退非唯傷風亂政亦